

UNIVERZITET U TUZLI  
Broj: 01-125-JN-16/23 LOT 8  
Tuzla, 15.12.2023. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj:01-125-JN-15/23 LOT 8 od 14.12.2023. godine, po punomoći Rektora Univerziteta u Tuzli broj: 01-6663-1/23 od 14.11.2023. godine, v.d. Direktor za ekonomske poslove, *donio je*

## **ODLUKU O IZBORU NAJPOVOLJNIJEG PONUĐAČA**

### **I**

U okončanom Otvorenom postupku za javnu nabavku ostalih prehrambenih proizvoda i potrošnog pribora (LOT8) za potrebe restorana Studentskog centra Univerziteta u Tuzli sa sukcesivnom isporukom do 31.12.2024. godine, izabran je ponuđač „Redex“ d.o.o. Banovići, sa ponudenom cijenom od 31.646,30 KM bez PDV-a, odnosno 37.026,17 KM sa PDV-om, te se istom dodjeljuje okvirni sporazum o javnoj nabavci.

### **II**

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponudenu cijenu prihvatljiva za Univerzitet u Tuzli.

### **III**

Ponuđač iz tačke I ove Odluke obavezan je u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. stav (2) tačka a) do d) Zakona o javnim nabavkama BiH, u skladu sa tačkom 8. Tenderske dokumentacije.

### **IV**

Ova Odluka se objavljuje na internetskoj strani Univerziteta u Tuzli ([www.untz.ba](http://www.untz.ba)) istovremeno s upućivanjem odluke ponuđačima koji su učestvovali u postupku javne nabavke.

### **O b r a z l o ž e n j e**

Univerzitet u Tuzli pokrenuo je postupak javne nabavke hrane za potrebe restorana Studentskog centra sa sukcesivnom isporukom do 31.12.2024. godine LOT 1 – LOT 8 sa namjerom zaključenja Okvirnog sporazuma sa jednim ponuđačem za svaki LOT posebno, za izbor najpovoljnijeg ponuđača putem Otvorenog postupka javne nabavke broj: 01-125-JN-2/23 od 07.09.2023. godine, objavljenog na Portalu javnih nabavki obavještenje broj: 795-1-1-70-3-98/23 od 21.09.2023. godine, u „Službenim novinama BiH” broj: 67/23 od 29.09.2023. godine i ispravci obavještenja broj: 795-1-1-70-8-134/23 od 16.11.2023. godine objavljenoj u sažetku obavještenja u „Službenim novinama BiH” broj: 80/23 od 24.11.2023. godine i WEB stranici Univerziteta.

Za LOT 8 - Ostali prehrambeni proizvodi i potrošni pribor, u roku utvrđenom tenderskom dokumentacijom blagovremeno su dostavljene dvije (2) ponude, ponude ponuđača „Lala i Lačo“ d.o.o. Bijeljina i „Redex“ d.o.o. Banovići.

Komisija za javne nabavke je uvidom u ponudu ponuđača „Lala i Lačo“ d.o.o. Bijeljina utvrdila da ponudena ukupna cijena prelazi planirana odnosno obezbijeđena novčana sredstva ugovornog organa za javnu nabavku ostalih prehrambenih proizvoda i potrošnog pribora (LOT8) zbog čega je ponuda u ovom dijelu ocjenjena kao neprihvatljiva

Tačkom 4.1. Tenderske dokumentacije propisano je šta sve ponuda treba da sadrži, između ostalog Obrazac za cijenu ponude Aneks 3 propisno popunjen, potpisan i ovjeren od strane ponuđača u skladu sa formom koja je data u prilogu tenderske dokumentacije. Ponuđač je u sastavu ponude dostavio Obrazac za cijenu ponude – LOT 8, potpisan i ovjeren pečatom, ali koji nije propisno popunio. Ponuđač je pogrešno upisao jediničnu i ukupnu cijenu u rubrikama koje se ne popunjavaju, u praznom prostoru pored naslova

odjeljka "POTROŠNI PRIBOR ZA JELO" kao dijela Obrasca ispod kojeg su pobrojane stavke koje se odnose na ovu vrstu robe, zbog čega je ponuda ponuđača „Lala i Lačo“ d.o.o. Bijeljina u ovom dijelu ocijenjena kao nepravilna.

Nadalje, ponuđač „Lala i Lačo“ d.o.o. Bijeljina je u ponudi priložio Izjavu da će robe iz predmeta nabavke biti u skladu sa Pravilnicima o kvalitetu hrane donesenim u skladu sa zakonom o hrani BiH i sigurni proizvodi prema Zakonu o općoj sigurnosti hrane, ali data Izjava se odnosi na LOT 1: Nabavku svježeg junećeg mesa i preradevina od goveđeg i junećeg mesa, a ne na LOT 8 i kao takva se ne može prihvatiti iz razloga što ponuđač nije ispunio postavljeni uslov za kvalifikaciju u smislu tehničke i profesionalne sposobnosti zahtijevan tačkom 3.5.2. pod e) tenderske dokumentacije.

Slijedom prethodno navedenog Komisija za javne nabavke ocijenila je ponudu ponuđača „Lala i Lačo“ d.o.o. Bijeljina u ovom dijelu neprihvatljivom.

Članom 68. stav (4) tačka i) Zakona o javnim nabavkama ("Službeni glasnik BiH" broj: 39/14 i 59/22) propisano je da je Ugovorni organ dužan da odbaci zahtjev za učešće ili ponudu kada ponuda nije potpuna i ne ispunjava zahtjeve iz tenderske dokumentacije.

Obzirom da cijena ponude ponuđača „Lala i Lačo“ d.o.o. Bijeljina prelazi planirana sredstva ugovornog organa za ovu javnu nabavku i da ponuđač nije dostavio ponudu u skladu sa tenderskom dokumentacijom, te nije ispunio uslove za kvalifikaciju u pogledu tehničke i profesionalne sposobnosti, njegova se ponuda odbacuje kao nepravilna i neprihvatljiva.

Ponuda ponuđača „Redex“ d.o.o. Banovići sadrži sve dokumente kojima se dokazuje ispunjenost uslova za kvalifikaciju u pogledu lične, tehničke i profesionalne sposobnosti i druge dokumente zahtijevane tenderskom dokumentacijom zbog čega je ponuda ocijenjena prihvatljivom, a ponuđač ocijenjen kvalifikovanim za dobro obavljanje posla.

Obzirom da je pristigla samo jedna prihvatljiva ponuda, e-aukcija nije zakazana.

Budući da je ponuda ponuđača „Redex“ d.o.o. Banovići sačinjena u skladu sa uslovima i zahtjevima utvrđenim u Tenderskoj dokumentaciji i da je cijena ponude prihvatljiva za Ugovorni organ, Komisija za javne nabavke predložila je da se navedenom ponuđaču dodijeli okvirni sporazum.

Cijeneći izneseno, te činjenicu da su u ovom postupku javne nabavke zadovoljeni svi principi uvrđeni Zakonom o javnim nabavkama BiH, po punomoći rektorice Univerziteta u Tuzli, v.d. Direktor za ekonomske poslove prihvatio je preporuku Komisije i odlučio kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

**Prilog:** Zapisnik o pregledu i ocijeni ponuda broj:  
Broj: 01-125-JN-15/23 LOT 8 od 14.12.2023. godine



v.d. DIREKTOR

ZA EKONOMSKE POSLOVE

Dr.sc. Azira Osmanović, dipl.oec

DOSTAVITI:  
1x učesnicima  
1x WEB portal  
1x a/a